

LUTRIJA BOSNE I HERCEGOVINE d.o.o.
UPRAVNI ODBOR

Na osnovu člana 16. Zakona o igrama na sreću („Službene novine FBiH“ br.1/02 i 40/10), i člana 13. Statuta Lutrije BiH („Službene novine F BiH“ br.43/03), Upravni odbor Lutrije Bosne i Hercegovine, na sjednici održanoj dana 17.12.2010. godine, donio je

P R A V I L A
novčane srećke "KOLO SREĆE"

1. OPŠTE ODREDBE

Član 1.

Ovim se Pravilima propisuju uslovi za priređivanje novčane srećke „KOLO SREĆE“ (u daljem tekstu: srećka).

Član 2.

Ova Pravila su isključivi zakonski i pravni osnov za zaključivanje ugovora o učešću u igri novčane srećke „KOLO SREĆE“.

Ugovor iz stava 1. ovog člana zaključuje se između Lutrije Bosne i Hercegovine, d.o.o. (u daljem tekstu: Priređivač) i učesnika na osnovu prihvata općih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

2. NAZIV I VRIJEME TRAJANJA IGRE

Član 3.

Novčana srećka "KOLO SREĆE" je igra na sreću s unaprijed utvrđenom visinom fonda dobitaka, u kojoj učesnik skidanjem emulzije sa određenih polja saznaje rezultat igre koji je otisnut u prostoru za označavanje dobitka.

Član 4.

Rok prodaje srećke otisnut je na samoj srećki.

Rok prodaje srećke može se produžiti odlukom generalnog direktora Priređivača.

Odluku o puštanju u prodaju svake od serija donosi generalni direktor Priređivača i ista će se objaviti u jednom od dnevnih novina.

3. USLOVI ZA SUDJELOVANJE U IGRI

Član 5.

Učesnikom u igri smatra se lice koje je sa Priređivačem zaključilo ugovor iz člana 2. ovih Pravila, uz dokaz da posjeduje srećku (u svemu u skladu s članom 10. ovih Pravila.) Srećka glasi na donosioca.

4. PODRUČJE PRIREĐIVANJA IGRE

Član 6.

Srećka se priređuje na području Federacije Bosne i Hercegovine.

5. POJEDINAČNA CIJENA SREĆKE

Član 7.

Cijena jedne srećke je 2 KM.

6. KOLIČINA I NOVČANA VRIJEDNOST EMISIJE SREĆKE

Član 8.

Srećka se emituje u serijama. Jedna serija sadrži 3.000.000 (tri miliona) komada srećaka. Novčana vrijednost emisije srećaka iznosi 6.000.000 KM. Odluku o broju serija donosi generalni direktor Priređivača.

7. VISINA FONDA I VRSTE DOBITAKA

Član 9.

Fond dobitaka srećke iznosi 60,97% emisione vrijednosti ili 3.658.000 KM, a isti se dijeli na 1.116,170 dobitaka.

Fond dobitaka serije se raspoređuje po slijedećem planu:

Komada	Dobitci	Iznos
50 x	5.000,00	250.000,00
120 x	500,00	60.000,00
12.000 x	50,00	600.000,00
180.000 x	5,00	900.000,00
924.000 x	2,00	1.848.000,00
1.116.170		3.658.000,00

Na 50% srećki na kojima nije ostvaren novčani dobitak, ispod emulzije sa natpisom "OGREBI", nalazi se tekst "KOLO SREĆE". Ove srećke mogu učestvovati u sedmičnom TV izvlačenju dobitaka ukoliko su popunjena predviđena polja od strane igrača i ubačene u odgovorajuću kutiju na uplatno-prodajnim mjestima Lutrije BiH. Iz fonda neisplaćenih dobitaka izdvaja se iznos od 1.000,00 KM (tri nagrade: 1x200 KM, 1x300 KM i 1x500 KM) za svako sedmično TV izvlačenje.

Prikupljanje srećki iz uplatno-prodajnih mjesta Lutrije BiH će se vršiti svakih 14 dana i to ponedjeljkom nakon radnog vremena, a iste mogu učestvovati samo u dva naredna TV izvlačenja.

Komisija imenovana od strane generalnog direktora će nadgledati izvlačenje, a dobitnici nagrada će biti objavljeni na web stranici priređivača.

8. OPIS SREĆKE

Član 10.

Srećka je pravougaonog oblika i rađena je u više boja.

a/ prednja strana srećke sadrži: logo Lutrija Bosne i Hercegovine, cijenu srećke, naziv srećke "KOLO SREĆE", osam polja u krugu prekrivena emulzijom sa natpisima „NOVČANI DOBITAK“, polje prekriveno emulzijom sa natpisom „OGREBI“, polje prekriveno emulzijom sa natpisom „NE SKIDAJ“, i polje sa bar cod-om koji sadrži šifru, redni broj serije i serijski broj srećke.

b/ na poledini srećke: Logo Lutrija Bosne i Hercegovine

NOVČANI DOBITAK: Ukoliko se nakon skidanja emulzije sa osam polja u krugu, na kojima piše ogrebi, pojave tri ista iznosa ostvaruje se novčani dobitak u jednostrukom iznosu.

Ukoliko se nakon skidanja emulzije sa natpisom „OGREBI“ pojavi tekst KOLO SREĆE potrebno je upisati podatke u predviđena polja na poledini srećke i srećku ubaciti u kutiju.

SREĆKA JE NEVAŽEĆA AKO JE OŠTEĆEN DIO EMULZIJE SA NATPISOM "NE SKIDAJ".

EMISIJA 3.000.000 KOMADA.

EMISIONA VRIJEDNOST: 6.000.000,00 KM

FOND DOBITAKA iznosi 60,97% od emisione vrijednosti ili 3.658.000,00 KM.

Datum prodaje do 31.12.2012. godine

PLAN DOBITAKA UTVRĐEN U SKLADU SA ČLANOM 9. PRAVILA

PRIREDIVAČ: LUTRIJA BiH, d.o.o 71000 Sarajevo, ul.Mehmeda Spahe br. 11.

Podaci o dobitniku: Ime i prezime, adresa i kontakt telefon.

9. UTVRĐIVANJE DOBITAKA

Član 11.

Igrač utvrđuje dobitak skidanjem emulzije sa polja sa natpisom "NOVČANI DOBITAK". Rezultat, odnosno dobitak, odštampan je u skladu sa članom 9. ovih Pravila. Igrač u igri nije dužan uzeti srećku na kojoj su vidljivi znaci oštećenja.

10. NAČIN I ROK ISPLATE NOVČANIH DOBITAKA

Član 12.

Pri isplati dobitaka učesnik je dužan predati Priređivaču dobitnu srećku. Dobitna srećka je ona srećka koja sadrži navedene elemente u članu 10. ovih Pravila, tako da se može nedvojbeno utvrditi dobitak. Dobitke isplaćuju: prodajna mjesta i blagajna Lutrije BiH. Uz predaju srećke, učesnik je dužan prilikom isplate, na zahtjev ovlaštene osobe koja obavlja isplatu, predati na uvid svoju važeću ličnu kartu ili pasoš.

Član 13.

Porez na novčani dobitak snosi učesnik koji je ostvario dobitak na srećki. Priređivač će obustaviti i uplatiti porez na dobitak.

Član 14.

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Član 15.

Priređivač ne snosi odgovornost za srećke koje su na bilo koji način nestale ili oštećene u toku prodaje, u kojem slučaju se smatra da je prodavac ili zastupnik kupio sve srećke za koje tvrdi da su nestale, ukradene, izgubljene ili oštećene.

Član 16.

Ispod emulzije na kojoj je napisano "NE SKIDAJ" se nalazi šifra. Priređivač čuva tajnost šifre.

11. NAČIN UPOZNAVANJA UČESNIKA U IGRI S OVIM PRAVILIMA

Član 17.

Ova Pravila nalaze se na svim prodajnim mjestima Priređivača. Osobama zainteresiranim za sudjelovanje u igri Priređivač je dužan omogućiti upoznavanje s ovim Pravilima, odnosno dati ih na uvid.

12. PRELAZNE I ZAVRŠNE ODREDBE

Član 18.

Za rješavanje eventualnih sporova, proisteklih iz učešća u igri, nadležan je Općinski sud u Sarajevu.

Član 19.

Ova Pravila stupaju na snagu danom donošenja, a primjenjivaće se puštanjem u prodaju 1. serije srećke i ista će se objaviti u jednom od dnevnih novina.

Broj: 01-30-2030-5/10
Dana: 17.12.2010.godine

PREDSJEDNIK

Zdravko Rajić, s.r.

